



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Compendivm Totivs Tractatvs De S. Matrimonij
Sacramento R. P. Thomæ Sanches E Soc. Iesv**

Sánchez, Tomás

Coloniæ Agrippinæ, 1624

11. Alimentum.

urn:nbn:de:hbz:466:1-41559

67. à nū. 4. usque ad 10:

Alimentum.

1. Vir tenetur præstare alimenta vxori illi-
te mota de valore matrimonij, quamuis illa
indotata sit, lib. 2. disp. 4. nū. 51.

2. Vir non tenetur alere vxorem; quæ in-
fauorem matrimonij periculosam incisione
passa est, & mansit incurabilis, & iudicatum
fuit matrimonium irritum, lib. 7. disp. 93. n. 22.

3. Vir tenetur vxorem alere cohabitante
viro, secus dicendum de vxore recedente ab
illo absque eius culpa, & cum magna temeri-
tate licet vir dote habeat vel eam indotata
duxerit, secus dicendum, si vxor absit à viro
proper nimias castigationes; & quamuis ob
propriam culpatam, ut hæresim, in carcere per-
petuum includatur, siue dos maneat apud ip-
sum, siue indotatam duxerit, dum diuortium
non celebratur ratione hæresis, lib. 9. disp. 4. à
n. 19. usque ad 23.

4. Si vxor, quæ culpa sua aberat, pœnitē-
tiâ ductâ ad virum rediens, iam tunc tenebitur
illam alere, secus dicendum, quando ob-
scenitiam mariti vxor inculpatè fugerat, si ad
virum redire renuat, ille dans cautionem suf-
ficientem de securitate, lib. 9. disp. 4. nū. 24.

5. Vir tenetur alere vxorem, quando neu-
trius coniugis delicto separatio contigerit, ut
ob morbum contagiosum, lib. 9. disp. 4. n. 25.

6. Vir tenetur prius subuenire paréibus;
& filijs in extrema necessitate, quam vxori, se-
cùs;

cus dicendum extra extremam necessitatem,
lib. 9. disp. 4. nu. 26.

7. Maritus inops non tenetur vxorem a-
lere, etiam dote, vel parte eius promissa ab ex-
traneo non soluta; secus dicendum, si fuit pro-
missa ab ipsa vxore, vel parente, qui ratione
impotentiae non soluunt, nisi malitiosè pro-
misissent, & si vir alat vxorem nō solutā dote,
& nil protestetur, non potest petere alimenta
a promissore, lib. 9. disp. 4. nu. 27. quoad maritū
inopem, & quoad alia, lib. 9. disp. 5. à nu. 2, us-
que ad 7.

8. Vir tenetur alere vxorem, quam sine
promissione dotis duxit, quamuis pater diues
sit, & nolit constituere dotem; secus dicendū,
quando illa diues sit, & reuuat constituere do-
tem, lib. 9. disp. 5. nu. 8. & 9.

9. Quando vxor ducta est dotata, sed ad e-
ius delictum publicata est dos, si fortuito casu
perijt, tenetur vir vxorem alere, si verò culpa
vxoris dos publicata fuit, si parentes eius sunt
diuites, non tenetur vir alere eam; secus, si sint
pauperes, ib. nu. 10.

10. Vir non tenetur præbere alimenta vxori
adulteræ, licet ille causam dederit, expellens
eam iniuste. Secus dicendum, si vir expulisset
eam eo fine, ut adulteretur. Et hoc totum
procedit in foro conscientie; secus in exterio-
ri. Item non tenetur eam alere, si in solis of-
culis & amplexibus deprehendatur, nec te-
netur ministrare alimenta, & litis expensas v-
xori.

xori adulteræ duranti lite intentatâ ad diuortium Iu foro tamen exteriori contrarium dicendum est, l. o. disp. 8. nu. 24. usque ad 28.

11 Vir non tenetur præbere alimenta vxori adulteræ pertinaci, l. 10. disp. 13. nu. 17.

12 Vxor diues tenetur præbere alimenta viro & filijs. Item viro suâ culpâ bannito, exulantî, & in triremibus versanti, li. 9. disp. 4. numer. 23 & 27.

13 Alimenta non sunt præstanta vxori viduæ transeunti ad secundas nuptias intra annum licetus, dum ei dos non restituitur; Secus dicendum, si relicta illi fuere in testamento, libr. 7. disp. 87. nu. 30. Filius tamen, si fuerit diues, ex materna substantia tenetur alere matrem pauperem secundo nubentem, & dotare. Secus, si aliundè sit diues, eodem libr. 7. disp. 88. n. 32.

14 Quæstione mota de alimentis præstandis adulteræ à viro separata coram iudice sæculari; viroque excipienti de sufficienti causa diuortij, nempe de adulterio, debet sæcularis lite supersedere, donec Ecclesiasticus iudex quæstionem dirimat, potestque interim iudicem sæcularem exhibere, lib. 10 disp. 8. numer. 17.

15 Alimenta vel legata relicta vxori non debentur secundæ, quando proprio nomine expresso relicta fuere primæ, nisi secundæ vxori nomen prioris imposuisset. Quando vero relicta fuere sub nomine appellatiuo, si testator

stator erat coniugatus tempore testamenti, intelligitur de praesenti sola vxore, & si solitus erat matrimonio; non debentur posteriori vxori, lib. 7. disp. 91. à nu. 58. 59. & 60.

Amentes.

1 Amentes, & mente capti non possunt contrahere valide, nec sponsalia, nec matrimonium ex defectu deliberationis, lib. 1. disp. 8. nu. 15. Secus dicendum de habentibus lucida interualla, ibid. num. 16. In dubio autem, quando non constat cum, de quo tractatur, ante a furore correptum esse, non presumitur furiosus, sed sanæ mentis. Secus, quando constat aliquem de mentia affectum fuisse, nec constat consueisse habere lucida interualla, ibid. num. 17. Erga lucidis interuallis peccat contrahendo, & aliquando mortaliter, numer. 18. Et ebrius tempore ebrietatis contrahens nihil facit, licet haberet ante tempus ebrietatis voluntate contrahendi; & nō est simile de Baptismo, ibid. nu. 19. & 20. Vnde nō sufficit ad sponsalia, & matrimonium voluntas virtualis, nisi quā in se volitum est, ibid. nu. 21. Et dantur aliqui amentes in una materia, & in alijs feruentes rationis vsu, ita ut possint facere, & iure matrimonium, ibid. nu. 23.

2 Coniugi non omnino destituto, sed factuo (id est simplici) tenetur alter coniux reddere debitum. Idem dicendum, si in una re fuerint amentes, & in altera non, vel si habeant lucida interualla, lib. 9. disp. 23. à nu. 1. usque

ad 3.